

## 《佛說觀無量壽佛經》 補充講表

### ◎附表十三：

○眉間白毫，右旋宛轉，如五須彌山。（以下糅合《佛光大辭典》）

※眉間白毫相，又稱白毫莊嚴面相，為如來三十二相之一。世尊在兩眉之間有柔軟細澤之白毛，引之則長一尋（或謂初生時長五尺，成道時長一丈五尺），周圍五寸，放光時內外通明，鮮白光淨，一似真珠，如日之正中，像琉璃筒，但非圓形，外有八楞；若不放光時，右旋宛轉，像顆寶珠，在兩眉之間。放之則右旋宛轉。眾生若遇其光，可消除業障、身心安樂。據《無上依經》卷下之說，此妙相係佛於因位時，見善眾生修習戒、定、慧三學，而稱揚讚歎之，遂感得此相，表示除卻百億那由他恆河沙劫生死罪之德。

※《佛說觀彌勒菩薩上生兜率天經》云：「此處名兜率陀天，今此天主名曰彌勒，汝當歸依。應聲即禮，禮已諦觀眉間白毫相光，即得超越九十億劫生死之罪。」

※《無量壽佛經義疏》云：「一須彌，高三百三十六萬里。縱廣亦爾。五須彌，共一千六百八十萬里。」

○佛眼如四大海水，清白分明。

※《無量壽佛經義疏》云：「一大海，八萬四千由旬。四大海，共三十三萬六千由旬。」

○一一好中，復有八萬四千光明。一一光明，遍照十方世界念佛眾生，攝取不捨。

※《無量壽佛經義疏》云：「問：不念佛人，佛光攝否？」

答：念與不念，光無不攝。但念佛者，與光相應，攝取往生，定無退墮。智論云：「譬如

魚子，母若不念，子則爛壞。」楞嚴所謂【佛念眾生，如母憶子】。但子於母，有憶

不憶耳。又如盲人在日輪下，日無不照，盲者不見。不念佛人，亦復如是。」

○見此事者，即見十方一切諸佛。以見諸佛故，名念佛三昧。

※《無量壽佛經義疏》云：「見多佛者，法身體同。念佛三昧，從此得名。」

※《占察善惡業報經》云：「以一佛身，即是一切諸佛身；一切諸佛身，即是一佛身。所有作業，亦皆共一，所謂無分別相，不念彼此，平等無二，以依一法性而有作業，同自然化，體無別異故。」

※《大乘止觀法門》·歷事指點云：「我今所見諸佛，雖是想心所作；但即能知，由我想念熏真心故，心中現此諸佛。是故所見之佛，不在心外；唯是真心之相，有即非有，非有即有。」

※《大乘止觀述記》·歷事指點云：「此明觀想見佛，與十地大士見盧舍那佛，事理相同。何以故？皆是真心為因，想心為緣，因緣和合，現起佛身相好故。蓋華嚴道場中諸大菩薩，所修見佛之業，悉是心作也。即以此業，還熏真心，現起千丈盧舍那佛。此佛實從心起，不從外來也。然則與我觀想見佛之為心作心起者，毫無差異。」

○以觀佛身故，亦見佛心。佛心者，大慈悲是。以無緣慈，攝諸眾生。

※《無量壽佛經直指疏》云：「先舉觀身，全悲心應現，故云：觀身見心。佛無一切心，唯有大慈悲。慈者，與樂，悲即拔苦。眾生無盡，佛大慈悲亦無有盡。《智論》云慈有三種：一、生緣慈：緣一切眾生，如父母六親；二、法緣慈：緣一切諸法，皆從因緣生；三、無緣慈：不住法相及眾生相。佛心無形，依性德顯，故云：大慈悲是。運同體慈，度諸眾生，而亦不取眾生相，亦不限劫數，故云：無緣慈攝眾生。」

＊觀身見心：佛已達色心不二之境，而佛身乃為佛依體起用，為本性所顯之妙用。

※《觀佛三昧海經》云：「佛告阿難：【云何名慈心？慈心者：應當繫念緣苦眾生。苦眾生者，謂三惡道極苦惱者。】佛說是語，時會大眾，見於地獄、餓鬼、畜生。解脫相三昧力故，令諸眾生自識宿命，見受苦者，皆是前世無量劫中，父母師徒諸善親友；見已啼泣，為佛作禮白言：【世尊！我等今者因佛力故，見苦眾生，悉是我等父母師長。】佛告大眾：【三界眾生輪迴六趣，如旋火輪，或為父母、兄弟、宗親，三界一切無不是汝所親之者，云何起意生殺嫉心？】」

○見眉間白毫相者，八萬四千相好，自然當現。

※《無量壽佛經義疏》云：「多相自具者，眉毫一相，總諸相故。若據經文，即觀五須彌量。

故云：【八萬四千相好，自然當現】，即知非丈六眉毫。」

※《觀佛三昧海經》云：「佛告父王，如來有無量相好；一一相中，八萬四千諸小相好，

如是相好，不及白毫少分功德。是故今日為於來世諸惡眾生，說白毫相

大慧光明消惡觀法。若有邪見極重惡人，聞此觀法具足相貌，生瞋恨心，

無有是處。縱使生瞋，白毫相光亦復覆護。暫聞是語，除三劫罪，後身

生處，生諸佛前。如是種種百千億種，觀諸光明微妙境界，不可悉說，

念白毫時自然當生。如此觀者，名為正觀；若異觀者，名為邪觀。」